

## Ўзбекистон Президенти Қозогистон Бош вазирининг биринчи ўринbosарини қабул қилди



Ўзбекистон Республикаси Президенти Шавкат Мирзиёев 23 февраль куни Ўзбекистон ва Қозогистон ўртасида икки томонлама ҳамкорлик бўйича хукуматларо қўшма комиссиянинг навбатдаги мажлисида иштирок этиш учун мамлакатимизга келган Қозогистон Республикаси Бош вазирининг биринчи ўринbosари Асқар Маминни қабул қилди.

Давлатимиз раҳбари меҳмонни қутлар экан, Ўзбекистон ва Қозогистон ўртасидаги стратегик шериклик муносабатлари, шу жумладан, савдо-иктисодий алоқалар барқарор ва изчил ривожланаётгани ҳамда мустаҳкамланиб бораётганини мамнуният билан таъкидлади.

Давлатларимиз раҳбарларининг 2016 йил сентябрь ойида Самарқанд шахридаги учрашуvida эришилган келишувларга мувофиқ ўзаро савдо хажмини тубдан ошириш ва номенклатурасини кенгайтириш, шунингдек, мамлакатларимизнинг етакчи корхоналари ўртасида саноат кооперациясини ривожлантиришга қаратилган қатор истиқболли лойихалар ҳамкорликда ишлаб чиқилмоқда.



2016 йил якунларига кўра, ўзаро товар айирбошлиш ҳажми 2 миллиард доллардан зиёдни ташкил этган. Ўзбекистонда қозогистонлик ҳамкорлар иштирокида тузилган 230 дан ортиқ компания фаолият юритмоқда. Автомобиль ва темир йўл транспорти, авиаташувлар соҳаларида анъанавий фаол ҳамкорлик қилиб келинмоқда.

Давлатимиз раҳбари икки мамлакат ўртасидаги самарали ва ўзаро манфаатли ҳамкорликни янада фаоллаштириш, бунинг учун аввало савдо, инвестициявий технологиялар ва транспорт-коммуникация соҳаларида ҳамкорлик бўйича аниқ лойиҳаларни ишлаб чиқиш ва қўллаб-куватлаш муҳим аҳамиятга эга эканини қайд этди.

Икки мамлакат ҳудудлари ўртасида ўзаро ҳамкорлик ўрнатиш ва мустаҳкамлаш лозимлиги, бу савдо ва маданият соҳаларида алоқаларни янада ривожлантириш учун кенг имкониятлар яратиши алоҳида таъкидланди.

Асқар Мамин самимий қабул учун Президентимиз Шавкат Мирзиёевга миннатдорлик изхор этди ва Қозогистон Ўзбекистон билан кенг қўламли амалий ҳамкорликни янада кенгайтиришга тайёр эканини билдириди.

[ЎзА](#)